

Free Digital Copy From ServeNow

*YESU HO NSEM
A ESE SE WOHUNU*

Lars B. Dunberg

ServeNow

Yesu Ho Nsem A Eɛ Sɛ Wohunu

The Basic Things You Need to Know About Jesus (Asante-Twi)

Ɔtwerefoɔ: Lars B. Dunberg

Owurayɛ Tumi © 2013, *ServeNow* na wɔde ma.

ServeNow nko ara na wɔma ɛkwan ma wɔde Owurayɛ Tumi no di dwuma.

ISBN 978-1-961623-46-0

Twerɛsem a wɔafa afiri Asante Twi Nkwa Nsem™ mu,
Owurayɛ Tumi © 1996, 2020, Biblica Inc. na wɔde ma.
Biblica, Inc. nko ara na wɔma ɛkwan ma wɔde Owurayɛ Tumi no di dwuma.

Twerɛsem a wɔafa afiri Asante Twi Nkwa Nsem™ mu,
Owurayɛ Tumi © 1996, 2020, Biblica Inc. na wɔde ma.
Biblica Inc. nko ara na wɔma ɛkwan ma wɔde Owurayɛ Tumi no di dwuma wɔ
wiase afaɛnan nyinaa.

ServeNow na ɔtintimuiɛ
1817 Austin Bluffs Parkway #110
Colorado Springs, CO 80918, USA

Yesu Ho Nsem A Eɛɛ Sɛ Wohunu

Nnianimu

Eberɛ bi a atwam na onipa bi twereɛ nsem yi faa Yesu ho.

“Ɔbarima a wɔwoo no akuraase tuu bi nie, ɔbaa ofuratamni bi ba. Ɔnyinii wɔ akuraa foforo bi ase. Ɔyɛɛ kapentadwuma kɔsii sɛ ɔdii mfee aduasa. Afei, ɔkɔɔ nkurofoɔ nkuro so kɔkaa nsempa mfee mmiensa.

Wannya efie a na eyɛ n’ankasa dea da. Wantwere nwoma biara da. Wannya dibere biara da. Wannya n’ankasa n’abusua. Wankɔ nwomasua nteteeɛ biara da. Wankɔ kuro kɛsee biara mu da. Wantu kwan ankɔ kuro a ɛkwan a ɛda saa kuro no ne ne deɛ ntam ye kwansini ahanu da. Wannye nneema a obi ye a ema ne din pagya no mu biara da. Na ɔnni abodini biara ka ne din ho.

Na ɔda so ye ɔbabunu no, nnipa hyɛɛ aseɛ tanee no. Ne nnamfonom dwane gyaa no. Ne nnamfo no mu baako kaa sɛ ɔnnim no da. Wɔde no hyɛɛ n’atamfo nsa. Wɔsii no atwetweɛ. Wɔbɔɔ no asennua mu wɔ akorɔmfɔɔ baanu ntam. Eberɛ a na ɔrewu no, n’asennuamubɔfoɔ no too ne kootu a na eyɛ n’agyapadeɛ korɔ a na ɔwɔ wɔ asase yi so no ho kyakya. Ɔwuie no, n’adamfo baako na ɔhunuu no mmɔbɔ femm no fummena maa wɔpɛɛ no korabere.

Mfee mpem dunkron abetwam kɔ nanso enne yi, ɔno na wabeye onipa abrabɔ mu fapem ne kankorɔ ho kannifoɔ.

Eye nokore turodoo se, se meka se asraadom a wɔwɔ asase so, wɔn a wɔwɔ epo so, mmarahye bad-wafoɔ ne ahemfo ahodoɔ a wɔaba asase yi so nyinaa ka bom a, wɔn abrabɔ ntumi nyaa nsunsuansoo papa wɔ nnipa abrabɔ so te se onipa baako pe a yereka ne ho asem yi deɛ.”

Abakɔsem ka Yesu ho asem

Yesu amma mpofirem. Na nkɔmhyefoɔ ahye ne ho nkɔm wɔ Twere Kronkron no mu se onipa bi beba abegye ewiase nyinaa nkwa. Wɔhyee nkɔm faa baabi a wɔbewo no ho. Na wɔadi kan aka ekwan a wɔbefa so awo no ho asem dada. Na wɔahye nkɔm afa n'abrabɔ ne mpo deɛ ebasi wɔ ne wuo no ho. Ebasi saa bere no, na onipa biara nni ho a saa nkɔmhye no ada adi wɔ ne ho. Ebere no soee no, wɔwoo Yesu baa asase yi so a na ɔye onipa kann a ɔwɔ honam ne mogya.

Ɛsii wɔ ehafa?

Wɔwoo Yesu wɔ ɔman ketewa a nnipa dɔɔso wɔ mu a wɔfre no Palestine mu a Galilee, Samaria ne Judea na eka bom ye saa ɔman yi. Oman no tenten mu beye kwansini 125 (aborɔfo kwansini 208) enna ne tetrere nso beye kwansini 50 (aborɔfo kwansini 83), a ewo Roman Ahemman no apueee fam.

Wɔwoo Yesu wɔ Bethlehem a ewo Judea, beaee a n'awofoɔ kɔɔ se wɔrekɔtwere wɔn din wɔ ɔmantoo nwoma no mu. Wɔtenaa Egypt mfee kakra bi akyi no, wɔtu kotenaa Nazareth a ewo Galilee.

Na nnipa ahodoɔ wɔ ɔman no mu. Roman asraafoɔ na na wohwe bammɔ ho nsem soɔ. Na Jewfoɔ no bi ye anidenfoɔ a na wɔko tia nnipa a wɔte asase no soɔ no. Ɔsom akannifoɔ a na wɔwɔ akuo foforo mu a na wɔfre wɔn Farisiifoɔ ne Sadukiifoɔ retoatoa adwen fa anyamesem ho mpaapaemu ho deɛ eye den. Se wohwe asase no so a, wohunu se na Samariafoɔ a na obiara sopa wɔn no te Galilee a ewɔ atifi fam ne Judea a ewɔ anafoɔ fam no ntam.

Eberɛ bɛn na saa asem yi siie?

Wɔwoo Yesu wɔ bere a na aka kakra bi se wɔahyene afe 7 B.C. (Ansa na Yesu Reba) mu. Mfee ɔhaha akyi no, Ɔsɔfo bi hwɛe asranna a enne yi nnipa dodoɔ no ara de bu nna wɔ ewiase no so de sесеe eberɛ a wɔwoo Yesu nanso wanna no yie. Ɔhempɔn a wɔfre no King Herod the Great wuu 4 B.C. (Ansa na Yesu reba) eberɛ a na Yesu adi mfee beye mmiensa.

Yesu Awoɔ

Nwoma a edi kan wɔ Apam Foforo mu no ka se, Sedeɛ Yesu, Agyenkwa no awoɔ ho nsem tee nie. *Wɔde ne maame Maria maa Yosef se ɔnware no, nanso ansa na wɔbehyam se awarefoɔ no, ɔhunuu se wanyinsɛn efiri Honhom Kronkron hɔ* (Mateo 1:18). Ekwan a wɔfaa so nyinseneɛ Yesu no ye nwanwa. Na eye anwanwasem efiri se amfiri mpam agodie mu na ebaeɛ.

Na ɔbɔfoɔ bi beka kyereɛ Mary se, *Honhom Kronkron beba wo so na Ɔsorosoro Onyankopɔn tumi abekata wo so, yei enti abɔfra a wobewo no no beye kronkron na wɔbefre no Onyankopɔn Ba* (Luka 1:35). Yei nkyere se Onyankopɔn na ɔnyinseneɛ Mary.

Tweresem no nka se Yesu ye Onyankopon yafumma. Onyankopon nye obarima enna onye obaa nso. Ono na oba nneema nyinaa enna ohwe n'abodee nyinaa so. Awo no a obarima biara ho mfra mu no na eye anwanwasem no. Yei kyere se enam Onyankopon Honhom Kronkron tumi so na Mary nyinsenee.

Aden nti na awo oforo ho hia? Ekyere se, ewom se yen nkwagye nam onipa so na ebae dee nanso efiri Onyankopon. Sedee awo oforo no firi Onyankopon no, saa ara na wo ne me nkwagye a yenyae no firi Onyankopon. Yentumi nnya nkwagye gye se Onyankopon fre yen na Honhom Kronkron hye yen ma (Yohane 3:3-6).

Awo oforo no kyere yen se, Yesu baa yen nnipa tebea mu, mmom wannye bone.

Ne Mmofraase

Abasem a eka Yesu mmofra bere mu ho asem nhye-da nni ho. Oye akwadaa no, one n'awofo koo Asorefie. Waka akyere yen se, ofiri ne nkwadaa bere mu no, *Yesu nyinii nyansa mu ne honam fam, na onyaa Onyankopon ne nnipa anim adom* (Luka 2:52).

Ebere a odii mfee dumieniu no, Yesu ne n'awofo kodii afahye wo Yerusalem Asorefie no mu. Okaa Yerusalem tenaa ho wo bere a na n'awofoo nnim. Wohwehwee no hwehwee no nnansa akyi no, wokohunu se one Jewfo mpanimfo regye akyinnye wo asoredan no mu pee. N'awofo bisaa no se, emfa wo ho se woama yeahwehwe wo abre anaa, obuaa won se, *Aden enti na mohwehwe me? Monnim se eye m'asedee se metena m'agya efie som no anaa? Nanso, n'awofo no ante dee okae no ase* (Luka 2:49-50).

Yesu Asubo ne ne Sohwe Ahodo

Ebere a Yesu dii mfee 30 no, okoo Asuo Jordan ho baabi a na papa bi a wofre no John the Baptist reka nsem pa na orebo asu. John hunuu ne ho se ono na oye onipa a oresiesie kwan mu ama Agyenkwa a oreba no. Na ohyiaa Yesu no, John hunuu se onipa a na orehwe no kwan no ne Yesu. Ebere a John boo Yesu asu no, Onyankopon kasa firii osoro ahemman mu kaa se, *Yei ne me Do Ba a so m'ani* (Mateo 3:17).

Yesu koo esere so, na ehoo na okodii mmuada nna-fua 40 awia ne anadwo enna otamfooo Satan koso no hwee. Yesu nam Onyankopon Asem so dii sohwe no nyinaa so nkonim.

Yesu Aseka Ahyease

Ofiri esere so baee no, Yesu hyee n'asenska ase. Na Yesu ye onipa kesee a yede yen ho bo no. Nnipa twaa akwansini bekaa ne ho. Na saa nnipa yi fifiri mmusuakuo ahodo mu a na won mu biara ye sononko koraa. Na won mu binom ye afarefooo, atuutuufoo, atogyefoo, atemmufoo ne Roman asogyafoo. Nnipa no mu bi a wobaa Yesu ho betiee no sane bisabisaa no nsem ye ankorankoro a na wootu won ho asi ho asua Nwoma Kronkron a enne yi yefre no Apam Dada no mu nsem. Na Yesu nim asorefie mu nsem yie te sedee na onim otogyeni a na wasopa no no.

Na oye kapentani mpo a na onnyaa anyamesemka ho ntetee biara no, otumi twee obarima bi te se Nicodemus a na owo nyamesemka ho nimdee amapa baa ne nkyen bekyerekyeree no nyamesem. Mmaa dii n'akyi na na won ho hia no pa ara wo n'anammontuo mu. Na Yesu de obuo ma won enti na won nso nya eber ma

no. Eto bere bi a, nkwadaa nketewa tumi twa ne ho hyia na ebi rehuri tena ne sre so. Na Yesu ye onipa a ogye nnipa ahodoɔ nyinaa.

Omaa onipa biara hunuu sedee Onyankopɔn si tee. Yesu dee, na onihunu Onyankopɔn se oye ohene nwanwasoɔ bi a ote akyirikyiri baabi di ewiase soɔ, na mmom na ohunu Onyankopɔn se ne papa. Mpo, Yesu frɛe no “Abba” a ekyere “Agya”. Na otaa firi adi kɔbo mpae kyere n’agya. Okaa se, *Menye biribi na mmom dee mehunu se m’agya ye na meye. Dee esɔ m’agya ani na meye.* Okaa se, one n’agya ye baako. Nnipa dodoɔ a wohunuu Yesu no gye dii se wɔahunu Onyankopɔn. Nokorem, Yesu maa nnipa kwan ma wohunuu Onyankopɔn dee edi kan koraa wɔ wɔn abrafo mu.

Na oye onipa te se wɔn ara. Na wɔsusu se oye Onyankopɔn, nanso na ogyina awia mu a, fifire tumi te no. Na odidi sane da. Na onante bre. Osuu wɔ n’adamfo Lazarus amu so. Ohunuu nnipa a na woben no no mmobo wɔ akwannuasa so.

Na tumi wɔ ne nkyerekyere mu. Na ne nkyerekyere ye nkurofoɔ nwanwa efiri se na tumi wɔ ne kasa mu a na onte se atwerefoɔ no. Saa bere no na atwerefoɔ no na na woye asofoɔ. Yesu amfa nnipa foforo bi adwenkyere anto dwa da, gye dee na nkɔmhyefoɔ aka wɔ Apam Dada mu nko ara. Na opae mu kasa wɔ tumi mu se, *Nokore, nokore mese mo se.* Na Yesu kasa se onipa a okasa firi Onyankopɔn mu.

Na ne nneyee nyinaa kyere se oye otumfoɔ. Hwan koraa ne saa onipa yi a na otumi ka kyere obubuani se, *Tene wo nsa mu* a amonom ho ara onyaa ayaresa? Hwan koraa ne saa onipa yi a na otumi kasa ma ahonhommone tu firi onipa a ahonhommone ase n’abrafo

na enam so ama okan ne ho ka awufoɔ ho mu? Hwan ne saa onipa yi a na otumi kasa kyere Galilee epa asorokye ma eye dinn te se de emmoo asorokye mpo da? Hwan ne saa onipa yi a na otumi ka kyere n'asuafoɔ se wɔmfa paanoo nketewa enum ne mpataa kakra bi mma nnipa 5,000 nni mmeɛ? Hwan ne saa onipa yi a otumi gyinaa Roman amrado anim a wammoo hu?

Na odo nnipa nyinaa. Biribiara nni ewiase seesei a eho hia sene odo kann a esakra onipa abraboo. Odo a ebema nnipa aye biribi ama onipa foforo a mpo wonnwe-ne won nkwa ho. Yesu daa odo adi kyeree won a obiara ani nnye won ho, ahiafoɔ, won a wɔapo won ne akunafoo. Odaa odo adi kyeree Samariafoɔ a na wɔbu won animtia no. Odaa odo adi kyeree mmaborofoɔ, anifurafoo, nkwaada ne akwatafoɔ, enna oka kyeree nnipa se wonno won atamfo. Orewu wo asennua no so mpo no, osree n'agya se omfa asraafoɔ a wode nnadewa rebo ne nsam ne ne nan mu no bone nkye won. Oka kyeree n'asuafoɔ no se wɔmfa saa odo no mmo won obra. Afei, mede ahyedee foforo bi rema mo: *Monnodoo mo ho sedee medoo mo no. Na se mododoo mo ho mo ho a, obiara behunu se moye m'asuafoɔ* (Johane 13:34-35).

Na Yesu nam akasabebuo so de ne nsem to dwa

Da koro bi, Yesu ka kyeree n'asuafoɔ no se, *Osoro Ahenie te se onyina aba ketewa bi a obi duaa wo n'afuom. Eye aba ketewaa bi, nanso se enyini a, eye dutan kesse ma nnomaa kosisi ne mman so* (Mateo 13:31-32).

Kasabebuo foforo bi nso kasa faa mmарima baanu bi a na won mu biara resi edan wo fapem foforo so ho. *Se osuo to, na osuframa bo, na nsuo yiri, na emu biara ka edan no a, eremmu da efiri se, wosi sii obotan so.*

Nanso, wɔn a wɔtie deɛ meka na wɔnni soɔ no te se ɔkwasea bi a ɔsii ne dan sii anwea so. Se osuo tɔ, na osufraama bɔ, na nsuo yiri, na emu biara ka edan no a, ebedwiri agu fam, abubu pasaa (Mateo 7:25-27).

Eberɛ bi nso Yesu kaa Farisini Ne ɔtogyeni bi ho abasem bi.

Yesu sane buu ebe bi faa nnipa a wɔbu wɔn ho se ateneneefoɔ na eno enti wɔbu afoforoɔ animtia no ho se: Eda bi nnipa baanu bi kɔɔ asɔredan mu kɔbɔɔ mpaeɛ. Na wɔn mu baako ye Farisini a ɔbu ne ho, na ɔbaako no nso ye ɔtogyeni. Farisini yi kɔgyinaa baabi a obia-ra behunu no bɔɔ mpaeɛ se, 'Onyankopɔn, meda wo ase se mente se nnipa a aka no te se apoobɔfoɔ nkontompofoɔ, adwamammɔfoɔ ne saa ɔtogyeni a ɔgyina hɔ yi. Nnawɔtwe biara mu, medi mmuada mprenu na deɛ menya biara nso, meyi mu nkyemu edu mu baako de ma. Saa eberɛ no na ɔtogyeni no gyina akyiri baabi a ɔmpɛ se ɔma n'ani so kyere ɔsoro. ɔde ne nsa guu ne bo bɔɔ mpaeɛ se, 'Onyankopɔn, hunu me ɔdebo-neyefoɔ mmɔbɔ!' Mereka akyere mo se, deɛ ɔtogyeni no yeeɛ no sɔɔ Onyankopɔn ani sene deɛ Farisini no yeeɛ no. Obiara a ɔma ne ho so no, wɔbɛbre no ase, na deɛ ɔbre ne ho ase no, wɔbɛma no so (Luka 18:9-14).

Abasem foforoɔ nso da ɔdɔ a Yesu wɔ ma yen adi wɔ bere a mpo yeafom ekwan. *Mo mu hwan na se ɔwɔ nnwan ɔha na wɔn mu baako yera a, ɔrennya aduɔkron nkron no hɔ nkɔkyinkyini esere so nhwehwe deɛ wayera no kɔsi se ɔbehunu no? Na se ɔhunu no a, ɔde no abɔ ne kɔn ho, de anigyee de no aba. Na se ɔduru efie a, wafrefre ne nnamfo ne n'afipamfoɔ nyinaa aka akyere wɔn se, 'Momma yennye yen ani, efiri se, mahunu me odwan a ɔyeraeɛ no.'* Saa ara nso na

se ɔdebɔnyefoɔ baako nu ne ho a, ɔsorofoɔ nyinaa ani gye sene se ateneneefoɔ aduɔkron nkron wɔ hɔ a ahoɔnu ho nhia wɔn no (Luka 15:4-7).

Yesu maa yen nkyerɛkyerɛ wɔ mpaeɔ ho

Da koro bi, n'asuafoɔ bisaa no se, *sen na yensi mmɔ mpaeɛ? Enna ɔbuaa wɔn se, Efa mpaeɔ ho nso, se morebɔ mpaeɛ a, mommmɔ mpaeɛ sedee nyaatwomfoɔ gyina asɔredan mu ne mmɔntene so bɔ mpaeɛ de pe nnipa anim animuonyam no. Merema mo ate aseɛ se, saa nnipa no anya wɔn akatua dada. Se wobɔ mpaeɛ a, kɔ wo dan mu, na to wo ɛpono mu, na bɔ w'Agya a wɔnhunu no mpaeɛ, na w'Agya a ɔnim kɔkoam nsem no betua wo ka. Se mobɔ mpaeɛ a, monnkasakasa be-bree ntiti nsem mu, nsusu se, se moye saa a na Onyankopɔn betie mo. Mo Agya Onyankopɔn nim deɛ ehia mo nyinaa ansa na mobisa no. Enti, saa ekwan yi so na momfa mmɔ mpaeɛ:*

*Yen Agya a wowɔ ɔsoro,
wo din ho nte.*

W'ahennie mmra.

*Deɛ wope nye hɔ wɔ asase so,
sedee etee wɔ ɔsoro.*

*Ma yen yen daa aduane enne,
na fa yen bɔne kye yen,*

sedee yeɛde wɔn a wɔfom yen no bɔne kye wɔn no.

Mma yenkɔ sɔhwe mu.

Na yi yen firi ɔbɔnefoɔ no nsam

(Mateo 6:5-13).

Yesu maa yen nkyerɛkyerɛ wɔ bɔnefakye ho

Na Yesu taa ka bɔnefakye ho asem kyere n'asuafoɔ no. Da kofɔ bi, wɔn mu baako bisaa se, *Owura, mpen do-doo sen na memfa dee obefom me bɔne nkye no? Mpen nson? Enna Yesu buaa tiawa se, Dabi, enye mpen nson, mmom mpen aduɔson nson!*

Yesu ka kyereɛ n'asuafoɔ no se, se wɔamfa bɔne ankye a, Onyankopɔn rentie wɔn mpaebɔ. *Na se morebɔ mpaee a, dee edi ekan no, se mowɔ obi ho asem a, momfa nkye no sedee ebeye a mo Agya a ɔwɔ ɔsoro no nso de mo bɔne bekye mo. Na se moamfa bɔne ankye a, saa ara na mo Agya a ɔwɔ ɔsoro no nso remfa mo bɔne nkye mo* (Marko 11:25-26).

Yesu maa yen nkyerɛkyerɛ wɔ ahobreaseɛ ho

Yesu, ahene mu Ohene no, ampe se wɔsom no se ohene. Eberɛ a nnipa pee se wɔye no dɔmmarima no, ɔfirii adi kɔɔ mmepɔ so kɔbɔɔ mpaee. Saa berɛ no nko ara na Yesu ka kyereɛ yen se yensua no, na adeɛ a yensua mfiri ne ho no ara ne ahobreaseɛ.

Momfa me kɔnnua nto mo ho so, na monsua me, efiri se, medona mebre me ho ase akoma mu, na mobenya ahome ama mo kra (Mateo 11:29).

Yesu maa yen nkyerɛkyerɛ wɔ sika ho

Monnhyehye mo agyapadeɛ wɔ asase yi so, dee ntefre betumi awe, na ebetumi awe nnaakye na aseɛɛ, na akorɔmfɔɔ betumi awia (Mateo 6:19).

Obiara ntumi nsom awuranom baanu; se ɔye saa a, obetan obaako, na wadɔ obaako anaase obesom obaako yie, na wabu obaako animtia. Morentumi nsom Onyankopɔn ne ahodeɛ (Mateo 6:24).

Se wopɛ se woyɛ pɛ a, kɔ na kɔtɔn biribiara a wowɔ, na fa sika a wobɛnya afiri mu no ma ahiafoɔ. Eno ansa na wobɛnya ademudeɛ wɔ ɔsoro. Afei bedi m'akyi (Mateo 19:21).

Eda bi a Yesu kɔɔ asɔredan mu no, ɔkɔtenaa afɔrebɔ adaka a esi hɔ no anim hwɛɛ sɛdeɛ nkurɔfoɔ no de sika regu adaka no mu. Asikafoɔ no de sika a edɔɔso guu mu. Ɔbaa kunafoɔ hiani bi nso baɛɛ na ɔde sika nketewa mmienɔ beguu mu. Ɖfrɛɛ n'asuafoɔ no baa ne nkyɛn ka kyereɛ wɔn sɛ, "Saa ɔbaa kunafoɔ hiani yi afɔdeɛ a ɔbɔɛɛ no som bo sene afɔdeɛ akɛsɛakɛsɛɛ a asikafoɔ no bebɔɛɛ no nyinaa. Na wɔn nyinaa firi deɛ wɔanya ama abu wɔn so no mu na wɔyiyii bi de baɛɛ, na ɔbaa yi deɛ, ɔfiri ne hia mu de deɛ ɔwɔ nyinaa na abɛgu mu no (Marko 12:41-44)

Nokorɛm, nneɛma pii na Yesu kyerekyereɛ yɛn a yɛrentumi nka ne nyinaa ho aɛm wɔ nwoma ketewa yi mu. Mesrɛ wo, bɔ mmɔden kenkan nsempa ahodoɔ enan a efa n'abrabɔ ne ne nkyerekyereɛ ho no.

Nneɛma a Yesu ka kyereɛ yɛn sɛ yɛnyɛ

Ɛfiri saa eberɛ no, Yesu firii n'asɛnka ase sɛ, Monnu mo ho, momfa mo ho mma Onyankopɔn na ɔsoro ahennie no abɛn (Mateo 4:17).

Obiara a ɔdi m'akyi na ɔntumi nnyina amanehunu ano no, rentumi nye me suani (Luka 14:27).

Ahyɛdeɛ foforoɔ na mede regya mo sɛ, Monnodɔ mo ho sɛdeɛ medɔ mo no. Na sɛ mododɔ mo ho mo ho a, obiara behunu sɛ moyɛ m'asuafoɔ (Yohane 13:34,35).

Nhyira ne wɔn a wɔyɛ ahiafoɔ wɔ honhom mu, na wɔn na ɔsorohennie ye wɔn dea. Nhyira ne wɔn a wɔn were aho, na wɔn na Onyankopɔn bekyekyere

wɔn were. Nhyira ne ahobreasefoɔ, na wɔn na Onyankopɔn bema wɔadi asase so. Nhyira ne wɔn a wɔn pe ne se wɔbeye Onyankopɔn apedeɛ, na wɔn na Onyankopɔn bema wɔn deɛ ehia wɔn. Nhyira ne wɔn a wɔhunu mmɔɔ, na wɔn na Onyankopɔn behunu wɔn mmɔɔ. Nhyira ne wɔn a wɔn akoma mu tee, na wɔn na wɔbehunu Onyankopɔn. Nhyira ne apatafoɔ, na wɔn na Onyankopɔn befre wɔn ne mma. Nhyira ne wɔn a esiane se wɔye Onyankopɔn apedeɛ enti, wɔtaa wɔn, na wɔn na Osoro Ahennie no ye wɔn dea.

Nhyira ne mo a me din mu enti, wɔya mo, taa mo, twa atorɔ, ka asemmane to mo so. Momma mo ani nnye na monsepe mo ho, efiri se, mowɔ akatua a eso wɔ osoro. Monhunu se saa ara na wɔtaa adiyifoɔ a wɔdii mo ekan no (Mateo 5:3-12).

Mone asase yi so nkyene. Se nkyene de yera a, ekwan ben so na wɔbefa ama aye nkyene bio? Enye mma hwee bio, gye se wɔhwie gu na nnipa tiatia so. Mone ewiase kanea. Kuro a eda bepe so no ntumi nhinta. Wɔnsɔ kanea mfa nsie, na mmom, wɔde si pe-tee mu na ahyeren ama wɔn a wɔwɔ efie no mu no nyinaa. Saa ara na momma mo nneyee pa nna adi mma nnipa nhunu na wɔnam so ahye mo Agya a wɔwɔ osoro no animuonyam (Mateo 5:13-16).

Moate se wɔaka se, Dɔ wo yɔnko, na tane w'atamfoɔ. Na me deɛ, deɛ mereka ne se: monnɔ mo atamfoɔ, na mommɔ mpaɛ mma wɔn a wɔha mo (Mateo 5:43-44).

Enti, monhwehwe Onyankopɔn Ahennie ne ne tenenee kane, na wɔde deɛ ehia mo nyinaa beka mo ho. Enti, monnnwennwene wɔkyena ho. Onyankopɔn no ara de deɛ ehia mo bema mo. Eda biara ne mu nsem (Mateo 6:33-34).

Mommisa, na wɔbema mo; monhwehwe, na mobekunu; mompem, na wɔbebue mo. Na obiara a ɔbisa no, ɔnya. Obiara a ɔhwehwe no, ɔhunu; na dee ɔpem no, wɔbue no (Mateo 7:7-8).

Enti, sedee mmara no ne adiyifoɔ no ka no, adee biara a mope se nnipa nye mma mo no, mo nso monye mma wɔn saa ara (Mateo 7:12).

Monkae asem a meka kyereɛ mo no: Akoa nsene ne wura. Se wɔtan me a, mo nso, wɔbetan mo; se wɔtie m'asem a meka no a, mo nso, wɔbetie mo (Yohane 15:20).

Yesu ka kyereɛ n'asuafoɔ no se, Wɔde ɔsoro ne asase so tuminyinaa ama me. Enti, monkɔ nkɔye amanaman nyinaa m'asuafoɔ. Mommɔ wɔn asu nhye Agya, Ɔba ne Honhom Kronkron din mu, na monkyerekyere wɔn se, wɔnni dee mahye mo no nyinaa so. Na me ne mo wɔ hɔ nna nyinaa de bekɔ akɔsi ewiase awieɛɛ (Mateo 28:18-20).

Yesu nam n'anwanwadeɛ so daa ne nipa su adi

Anwanwadeɛ a ɛdi ɛkan koraa a Yesu yeeɛ sii wɔ aye-forɔhyia ase ɛberɛ a wɔn bobesa saeɛ. Ɔmaa nsuo a ɛwɔ ankore akeseɛ mu danee bobesa dɔkɔdɔkɔ.

Anwanwadeɛ foforo bebree na Yesu yeeɛ a na ɛfa abɔdee ne aduane ho. Ɛberɛ a na ɔne asuafoɔ no wɔ Galilee ɛpo no so a na ɛrebɔ asorɔkyee no, ɔmaa asorɔkyee no yee dinn amonom hɔ ara. Ɛberɛ bi nso a na n'asuafoɔ no tete wɔn kodoɔ mu wɔ ɔtadeɛ no mfimfini no, Yesu nantee nsuo no so kɔɔ n'asuafoɔ no nkyen wɔ ɔtadeɛ no mfimfini hɔ. Dwumadie foforo mmienu bi ase nso, na nnipa mpempem atie ne nkyerekyere da mu no nyinaa a na wɔnnii aduane

biara. Ode paanoo kakra bi ne mpataa kakra maa nni-pa mpempem no di mee.

Na wotaa de ayarefoo te se asotifoo, abubuafoo, anifurafoo ne won a wowa nyarewa ahodoo koma no, na mpen pii no na asa won yaree. Ohyiaa akwatafoo bi a obiara mpe se obeben won mpo no, asaa won yaree. Onyancee awufoo a na ono ara n'adamfo Lazarus a wawu adi nna bebre ka ho bi.

Nnipa bebre a na ahonhommone te won mu soo Yesu hweee nanso aka ahonhommone no anim ma wotu firii nnipa no mu koe. Roman Osraani panin bi a na ne somfoo yaree baa Yesu ho bepee mmoa. Yesu ka kyeree no se, onhunuu obi a owo gyidie a ete saa da enti omaa Roman Osraani panin no sanee n'akyi koo ne efie. Ebera a oduruu efie no, na ne somfoo no ho ato no.

Enne yi, Yesu da so ye anwanwadee te se Onyan-kopon. Anwanwadee no bi tumi ye anitua te se dee yeadi ekan ahunu wo osoro ho no. Anwanwadee kesee ne se, obetumi asakra w'abrabo ne me dee afiri esum mu ako hann mu enna owuo mu ako nkwa mu.

Yesu nyaa ebera ne nnipa dii nkitaho

Yesu kaa nsempa beye mfee mmiensa ne kakra bi. Na oye obi a ontaa nnya ne ho adagye koraa nanso ne nyinaa akyi no, na onya ebera ne nnipa di nkitaho.

Nnipa dumieniu a na woye n'asuafoo no ne no dii nkitaho donhwere biara mfee pii mu. Onyaa ebera kyerekyeree won nneema pii faa won abrabo ho.

Da koro bi, wokyeree maame bi wo awaresese ho. Mmarima a wosusu se woye ateneneefoo baa se wore-besi maame no aboo akum no, nanso Yesu ka kyeree won se, won mu aako a bone nni ne ho nni ekan nto ne

boɔ mmoɔ obaa no. Wɔn nyinaa de aniwuo firii ho kɔɛɛ. Yesu nyaa eberɛ maa maame no, ɔde ne bɔne nyinaa kyɛɛ no enna ɔka kyereɛ no sɛ ɔnkɔ na mmom mma ɔnye bɔne bio.

Ɖda foforo bi nso, na Yesu nenam Samaria enna ɔkɔhyiaa maame bi wɔ asubura bi ho. Na ɔye ɔdebɔneyeni. Na Yesu nim sɛ maame no ye ɔdebɔneyeni nanso ɔde too nkyɛn nyaa eberɛ ne no dii nkitaho kyerekyerɛɛ no nneema a ɛho ɛhia ma ne kra. Ɖnam nkitahodie no so maa maame no abrabɔ sesa beyɛɛ deɛ ɛsɔ Onyankopɔn ani.

Na Nicodemus ye onimdefoɔ a wasua Twerɛsem no yie. Na ɔnim sɛ, sɛ ɔkɔsra Yesu wɔ dasuom mpo a, ɔbenya eberɛ ama no. Wɔn nkɔmmodie mu no, ɔsuua nokwasem titire baako a saa nokwasem no kɔ ma me ne wo nyinaa. Yesu buaa no sɛ, *Merema woate aseɛ sɛ, sɛ wɔanwo wo foforo a, worentumi nkɔ Onyankopɔn Ahennie no mu. Enna Yesu de sɔɔ so sɛ ... Sɛdeɛ Mose maa ɔwɔ sɛsɔ a wɔde kɔbere aye asen dua so wɔ esere so no, saa ara na Onipa Ba no nso wɔbɛma no so, na obiara a ɔgye me di no, ɔbenya nkwa a enni awieɛɛ* (Yohane 3:3,14-15).

Na ɔtogyeni bi wɔ ho a wɔfrɛ no Zacchaeus. Na Zacchaeus ye onipa korokorowa. Sɛdeɛ na ɛbeyɛ a ɔbehunu Yesu sɛ ɔnam kurom nnipa dodoɔ mu nti no, ɔkɔforoo dua kɔtenaa so. Yesu hunuu no no, ɔno ara kɔɔ Zacchaeus efie na yei akyi no, Zacchaeus abrabɔ sesa beyɛɛ kamakama.

Na Yesu wɔ nnamfonom baasa a na wɔben no pa ara. Na wɔye mmaa baanu a wɔfrɛ wɔn Martha ne Mary, enna ɔbarima baako a wɔfrɛ no Lazarus. Na

otaa k̄sra w̄n w̄ w̄n efie na enam so maa w̄suaa nokwasem a emu d̄o firii Yesu h̄o.

Yesu wuo no

Yesu Kristo wuo no na na eye adee a etwa etoo a ese se esi ma ne nsa ka ne botae. Yesu ka kyeree n'asuafoo no se, *Me a meye Onipa Ba no, mamma se w̄nsom me na mmom, mebaee se merebesom afoforo, na mede me kra aye mpata ama nnipa pii* (Marko 10:45). Osan kyeree w̄n se, obaee se obewu na wasane asore. Ne owuo no na na etwa etoo w̄o ne ntamgyinafooo adwuma a na oredi w̄o Onyankopon ne yen ntam no mu, enna owuu saa bere no. Okaa se, *Mawie* (Yohane 19:30). Nsempa atwerefoo Mateo ne Marko ka kyere yen se, *Eh̄o ara, ntoma a etwa asoredan no mu no mu suanee mmienu firi soro k̄s̄ii fam. Asase wosoee. Abotan mu paapae* (Mateo 27:51). Esiane Yesu wuo no enti, ogyidini biara betumi ako Kronkronbea h̄o bi (Hebrifoo 10:19-22).

Momma yenhunu se, se Yesu anwu amma yen a, anka yeda so te yen bone mu. *Nokorem, sedee Mmara no kyere no, ekame aye se mogya na etumi te adee nyinaa ho, na saa ara nso na gye se mogya ahwie agu ansa na bonefakye aba* (Hebrifoo 9:22).

Ne mu na yenya ogyee a efiri ne mogya mu. Ne mu na yenya bonefakye nso (Efesofoo 1:7).

Yesu hwice ne mogya gu maa yen de soaa ewiase bone nyinaa a wo ne me dee ka ho bi sedee ebeye a yegye no di a, yerennya bonefakye nko ara na mmom yenam ne so benya nkwayee ne nsakraee foforo a ebema yanya nkwa seesei ne mmere a enni awiee.

Yesu wusoree no

Enye se Yesu wuu wo asennua no so keke na mmom, Onyankopon nyancee no ne wuo no akyi eda a eto so mmiensa no so. Ekwan ben so na asuafoɔ no fa hunuu se wasore?

Senkyerennɛ baako ne eda no a na emu aye hwee no. Baako nso ne se, Yesu de ne nipadua kokyeree n'akyidifoɔ no. Ewom se na ne nipadua asesa a na etumi wura apono mu deɛ (Yohane 20:19), nanso na atwa a enam asennuamubo no so maa onyaa wo ne nsa ne ne mfem no da so wo ho (Yohane 20:27). Na otumi didi te se onipa dasani biara (Asomafoɔ 1:4). Yesu kasa kyeree n'akyidifoɔ no enna okyerekyeree won deɛ wonye.

Yesu ka kyeree n'asuafoɔ no se, Wode osoro ne asase so tumi nyinaa ama me. Enti, monko nkoye amanaman nyinaa m'asuafoɔ. Mommɔ won asu nhye Agya, Oba ne Honhom Kronkron din mu, na monkyerekyere won se, wɔnni deɛ mahye mo no nyinaa so. Na me ne mo wo ho nna nyinaa de beko akɔsi ewiase awieɛɛ (Mateo 28:18-20). Oka kyeree won se orennya won ankonam, mmom, obesoma Honhom Kronkron ama wabeka won ho. Enam owusoree no so maa asuafoɔ no sakra maa won abrafoɔ sesa beyee papa. Paul mpo a na onka Yesu asuafoɔ no ho wo bere a na owo asase yi soɔ no hyiaa Yesu Kristo maa onno nso abrafoɔ sesa beyee papa.

Yesu wusoree no som bo ma Akristofoɔ. Paul ka se, *Na se wɔamma Kristo ansore amfiri awufoɔ mu a, na mo gyidie no ye nnaadaa, na moda so yera wo mo bone mu* (1 Korintofoɔ 15:17). Aden enti na owusoree no ho hia?

Owusoree no ma yehunu se ampa ara Yesu Kristo ye Onyankopon. Peter ka no pen wo ne Pentecost da nsempa no mu. *Ese se nnipa a wawa Israel nyinaa hunu se, mo na moboo saa Yesu yi a Onyankopon aye no Awurade ne Agyenkwa no asennua mu* (Asomafo 2:36). Nyane a Onyankopon nyanee no firii awufo mu no hye mu kena se one Kristo no, Agyenkwa no a na Onyankopon ahye bo se abesoma no ama no abegye ne mma nkwa no. Ohyee mu kena se Yesu ye Awurade a oye Onyankopon!

Onyankopon kyeree se, ogyee ye a Yesu de ne ho yee mpatadee wo asennua no so no too mu enti na onyanee no firii awufo mu no. Twaka da Yesu wuo no ne nyane a Onyankopon nyanee no no ntam. *Yen bone enti, wayii no maa owuo, na wonyanee no maa yen bambuo* (Romafo 4:25). Enam owusoree no so na won a wogyee Yesu Kristo di no nya won bone ho bone-fakye no.

Owusoree no kyere Yesu nkonimdie wo owuo so na eye nnyinasoo se Yesu akyidifoo nso betena daa nkwa mu.

Enam nyane a onyane firii awufo mu no nti, Yesu Kristo aye sannaho wo won a wogyee no die mu. Paul twere se, *Dee merehwehwe ara ne se, mehunu Kristo na menya ne wusoree no mu suahunu, na mahunu n'amanee no bi, na maye se ono wo ne owuo no mu* (Filipifo 3:10). Saa tumi yi nso boa yen ma yebo yen bra wo Yesu Kristo nkwayee foforo a ode ama yen no mu. *Enti enye me na mete ase bio, na mmom, Kristo no na ote me mu. Saa asetena a mete mu seesei yi, mete ase wo Onyankopon Ba no a odo me na ode ne nkwa maa me no gyidie mu* (Galatifo 2:20).

Sɛ enye owusoree no a, anka mfasoɔ biara nni Yesu wu a awuu wɔ asennua no soɔ no so. Owusoree no ma asennua no nya asekyere foforo. Esiane sɛ Yesu Kristo ye Onyankopɔn nti, yehunu sɛ na eye Onyankopɔn na oreye n'adwuma wɔ asennua no soɔ. Na ema tumi ba asennua no mu pa ara.

Yesu soroko

Owusoree no akyi, Yesu Kristo *tenaa asase so adaduanan, yii ne ho adi mpen pii kyeree n'asuafoɔ no de kyeree wɔn sɛ, ampa, ɔte ase. Okaa Onyankopɔn Ahenie ho asem nso kyeree wɔn* (Asomafoɔ 1:3). Osane ka kyeree asuafoɔ no sɛ wɔntwen Honhom Kronkron no na ebɛba tumi mu. Asomafoɔ 1:9 hɔ no, yekankanee soroko ho asem. *Okasa wiee no, asuafoɔ no hunuu no sɛ ɔnam omununkum mu rekɔ ɔsoro na wɔanhunu no bio*. Na omununkum no ye senkyerennee a ekyere sɛ Onyankopɔn animuonyam wɔ hɔ.

Na Yesu ahye nkɔm afa n'Agya hɔ nkɔee ho dada. *Mefiri Agya no nkyen na mebaa ewiase; na afei mefiri ewiase akɔ Agya no nkyen* (Yohane 16:28). *Yesu ka kyeree ɔsɔfopanin no sɛ, Aane, woaka. Na daakye mɔbehunu me, Agyenkwa no, sɛ mete Onyankopɔn nifa na menam omununkum mu resane aba* (Mateo 26:64). Nsa nifa so no ye beaee sononko na esane nso ye tumi ho senkyerennee. Esane nso ye beaee a Yesu taa tena di ma yen wɔ Agya no anim. *Enti, ɔtumi gye wɔn a wɔnam ne so ba Onyankopɔn nkyen no enne ne daa, efiri sɛ, ɔte hɔ daa sre Onyankopɔn ma wɔn* (Hebrifoɔ 7:25).

Ehafa na ọwọ seesei?

Yesu ka kyerere n'asuafoo no se, ese se oko n'Agya efie kosiesie tenabea ma won. *Na se meko na mekosiesie baabi ma mo a, mesane aba abefa mo ako na me ne mo akotena* (Yohane 14:3). Yesu a oye Onyame Oba no, ne Onyankopon a oye Agya no te osoro ahemman mu. Bio, Yesu ka kyerere n'asuafoo no se, se oko a Onyame Honhom Kronkron beba abeka won ho. Honhom Kronkron no ka agyidifoo ho seesei ne ebere nyinaa. Sei na Yesu ne yen bewo ho ebere biara sedee ohyee yen bo no.

Yesu Mmaee

Mpen pii na Yesu ka kyerere n'asuafoo no se obesane aba. Woka ne mmaee no ho asem bebora mpen 250 wo Apam Foforo no mu.

Yesu beba mpofirem, ebere a obiara ani nna ne so na aniwa nyinaa behunu no. *Na sedee anyinam pa firi apuee ko atoe no, saa ara na se Onipa Ba no reba a, ebye ara ne no ... Afei, Onipa Ba no ho nsenkyerennes beda adi, na osoro ne asase sofo nyinaa betwa agyaadwo. Na ewiase amanaman behunu me, se mede tumi ne animuonyam nam osoro omununkum mu reba* (Mateo 24:27,30).

Obeba na ode nkonim a odii wo asennua no soo no abeye adwuma. Obeyi bone, owuo ne ahonhommone afiri Onyankopon ewiase yi mu.

Bio, obeba abenyane awufoo na wabu won aten. *Momma saa asem yi nnye mo nwanwa, efiri se, ebere bi reba a awufoo a wawo won damena mu mpo bete me nne, na wacasoresore. Won a waye papa no benyane*

atena nkwa mu, na wɔn a wɔaye bɔne no nso, wɔabu wɔn fa. (Yohane 5:28-29).

Saa bere no, ɔbeyi ateneneefɔ afiri wɔn a wɔntene mu. *Eno na Ɔhene no beka akyere wɔn a wɔgyina ne nifa so no se, Mo a m'agya ahyira mo, mommra mme-fa ahennie a wɔasiesie ama mo firi ewiase ahyease no nni* (Mateo 25:34). Nanso wɔn a wɔaka no deɛ, ɔbeka akyere wɔn se, *wɔbekɔ ahoyera a etɔɔ ntwɔ da mu, na ateneneefɔ akɔ nkwa a enni awiee mu* (Mateo 25:46). Obiara nnim ebere a yei besi. Mmom, Yesu ka kyeree yen se yenwen na yenye ahoboa ntwen saa da no.

Yesu wɔ edin ne abodini bebreɛ

Na edin *Yesu* dɔɔso wɔ Jewman no mu na sɛdeɛ edin afoforɔ wɔ asekyere no, saa ara na na edin *Yesu* nso wɔ asekyere. *Yesu* ye Hebrifoɔ edin a wɔfre no *Jeshua*, a aseɛ kyere nkwagyee. Saa edin korɔ yi ara na wɔde maa deɛ ɔdii Moses adeɛ a wɔfre no *Joshua* no. Na enye nnipa a wɔwɔ amanehununu ne nhyesotrasoɔ mu nko ara na na *Yesu* yi wɔn firi mu, na mmom, na ne din no kyere botae sononko bi. Ebere a ɔsoro ɔbɔfoɔ bi kɔsraa Joseph no, ɔsoro ɔbɔfoɔ no ka kyeree Joseph se, ne hokani Mary *bewo ɔbarima na wɔato no edin Yesu, aseɛ ne Agyenkwa, efiri se, ɔno na ɔbegye ne nkurɔfoɔ nkwa afiri wɔn bɔne mu* (Mateo 1:21).

Onyankopɔn faa ɔbaabunu awɔɔ nwanwasoɔ no so somaa *Yesu* se ɔmmegye nnipa nkwa mfiri wɔn haw keɛseɛ a eye bɔne no mu. Na ɔsene Agyenkwa bi a ɔregye nnipa nkwa afiri amammuo nhyesotrasoɔ anaa adeɛ a eye hu bi mu. Na anka ɔye ewiase Agyenkwa!

Greek asemfua *Christos* ase kyere *Messiah* wɔ Hebrifoɔ kasa mu na aseɛ ne se, “deɛ wɔasra no ngo.”

Apam Dada no mu, wɔsra obi ngo a na ɛkyerɛ se Onyankopɔn na ayi no de no rekɔdi dwuma sononko bi. Na Onyankopɔn aka ɔhene foforo a na ɔrebeyi nnipa afiri nkoasom a na erekɔ so wɔ ɔman no mu ho a sem akyerɛ nkɔmhyefoɔ no.

Na wɔrehwe yei kwan deɛ ɛye den ne titire ɛberɛ a na Yesu ne Jewfoɔ no rehwe kwan se Onyankopɔn besoma Agyenkwa a ɔbegye wɔn afiri Roman nkoasom no mu no. Na Jewfoɔ no ani da so se amammuo mu ɔgyefoɔ bi na ɔreba nanso na Yesu tumi boro saa kora. ɔbaa se ɔrebegye nnipa a bɔne ahyɛ wɔn ma no.

Ntem ara n'asuafoɔ no hunuu ne nipaban: *Ɛberɛ a Yesu baa Kaesarea Filipi fam no, ɔbisaa n'asuafoɔ no se, Nnipa ka se Onipa Ba no ne hwan? Wɔbuaa no se, Ebinom se wone Yohane Osubɔni. Ebinom nso se Elia. Afoforo nso se wone Yeremia anaa adiyifoɔ no mu baako. Afei, Yesu bisaa wɔn se Na mo nso, mose mene hwan? Simon Petro buaa no se, Wone Kristo no, Onyankopɔn Teasefoɔ no Ba no! Yesu ka kyereɛ no se, Onyankopɔn ahyira wo, Yona ba Simon. Ɛfiri se, enye onipa na ɔyii yei kyereɛ wo, na mmom, m'agya a ɔwɔ ɔsoro no (Mateo 16:13-17).*

Ɛberɛ a wɔretoto n'ano no, Yesu pae mu kaa se, ɔne Kristo, Agyenkwa no. *Ɔsɔfopanin no bisaa no se, Wone Agyenkwa no, Onyankopɔn Ba no anaa? Yesu buaa no se, Mene no (Marko 14:61, 62).* Na ɔye obi a ɔgye Onyankopɔn mma nkwa na mmom na emfa amammuo ho. Na ɔboro saa so. Na ɔye ewiase Agyenkwa.

Bio, na wɔfre Yesu se *Onipa Ba*. Ye ne abodini a na Yesu de fre ne ho. Abodini foforo a na ɔtaa de fre ne ho ne Onyankopɔn Ba. Apam Dada no mu, wɔde abodini Onyankopɔn Ba adi dwuma wɔ ne ntremu mu

a ne yie mu pa ara no, aseɛ kyere se “Onyankopon adeɛ.” Wɔrebɔ Yesu asu no, Onyankopon kaa se, *Yei ne me Dɔ Ba a ɔsɔ m’ani* (Mateo 3:17). Ewom se Paul frɛ wɔn a wɔgye Yesu di no Onyankopon mma deɛ, nanso nsonsonoeɛ da agyidifoɔ a wɔfrɛ wɔn Onyankopon mma a yenam abayen so nya no ne Yesu a ɔye Onyankopon *ankasa Ba* no ntam (Romafoɔ 8:32).

Nhwesɔɔ bebree na ewɔ Nsempa no mu a eka nkitahodie amapa a ewɔ Yesu ne Onyankopon ntam no ho asem se wɔye Agya ne Ɔba. Eberɛ a na Yesu gyina Jewfoɔ mpanimfoɔ anim a na wɔretoto n’ano no, ɔgye too mu se *ɔne Onyankopon Ba no*. Saa berɛ no, ɔsɔfopanin no sunsuanee n’atadeɛ mu de kyereɛ se ne bo afu efiri se, na ɔsusu se eye abususem enti ese se wɔkum Yesu.

Asemfua “Lord” ase kyere “kyrios” wɔ Greek kasa mu na aseɛ kyere se, Awurade anaa Owura. Na Jewfoɔ no mpe se wɔbɔ Onyankopon edin enti edin foforo a na wɔde frɛ no ne “Lord” a aseɛ kyere se Awurade. Enti se wɔfrɛ Yesu “Awurade” a, na ekyere se yehunu no se ɔye Onyankopon.

Hebrifoɔ edin “God” ase kyere MENE wɔ Twi mu. Onyankopon ka kyereɛ Moses wɔ Apam Dada no mu se, na MENE ɔkasafɔɔ no. Mpen pii wɔ Nsempa no mu, Yesu ka se “Mene”. Yei nye asenka biara keke na mmom eye asem a ekae yen Onyankopon edin, MENE no. Enti se Yesu ka se, *Mene burodo a ema nkwa no* (Yohane 6:35), *Mene ewiase hann no* (Yohane 8:12), *mene nnwammuo no ano epono no* (Yohane 10:7), *Mene odwanhwefɔɔ pa no* (Yohane 10:11), *Me na menyane awufɔɔ ma wɔn nkwa* (Yohane 11:25), *Mene ekwan no, ne nokore no, ne nkwa no* (Yohane 14:6), *Mene nokore*

bobe no (Yohane 15:1), Saa “Mene” yi nyinaa kyere Onyankopɔn.

Yesu owusɔrɛɛ no akyi no, ɔkɔyɛi ne ho adi kyereɛ n’ asuafoɔ baanu bi a na wɔnam kwan so rekɔ Emmaus. Wɔde mmirika sane baa Jerusalem beka kyereɛ asuafoɔ nkaeɛ no sɛ, *Ampa ara, Awurade asɔre afiri awufoɔ mu* (Luka 24:34). Yesu abodini a akyere pa ara ne Yesu ye Owura.

Ɛdeɛn na ɛma Yesu ye sononko?

Ansa na wɔrebɔ ewiase no na ɔwɔ hɔ

Ansa na wɔrebɔ ewiase no na Yesu wɔ hɔ dada a na ɔka Onyame Baasafua no ho: Onyame Agya, Onyame Oba ne Onyame Honhom Kronkron.

Ɔbaa yen nkyen

Ɔsom ahodoɔ mu no, ɛye a na nnipa a wɔwɔ mu no ko wɔn nyame anaa ohoni nkyen. Yesu ye sononko koraa. Onyankopɔn somaa Yesu baa yen nkyen wɔ asase yi so. *Na sɛdeɛ Onyankopɔn dɔɔ ewiase nie; sɛ ɔde ne Ba a ɔwoo no korɔ no maeɛ, na obiara a ɔgye no di no anye- ra, na mmom wanya nkwa a ɛnni awieeɛ* (Yohane 3:16).

Yesu ye Onyankopɔn

Sɛdeɛ Onyankopɔn wɔ tumi no, saa ara nso na Yesu ye tumi nyinaa wura. Ɔwɔ baabiara, nyansa nyinaa wɔ no, ɔye ɔnokwafoɔ, ɔye ɔhene, ɔte ase daa, ɔye kronkron ɛnna ɔye ɔdɔ.

Yesu ye ewiase Agyenkwa, ɔne Agyenkwa a wɔhyeɛ ne ho nkɔm no, ɔne ɔsorosoro Onipa Ba a wɔhyeɛ ne ho nkɔm no, ɔye Agya no Ba a ɔne Agya no wɔ su korɔ ɛnna ɔye Owura a ɛkyere sɛ ɔye Onyame. Yohane Asempa ti baako ahyeaseɛ hɔ no ara,

otwerefoɔ no ka se, *Ansa na wɔrebeɔ ewiase no, na Asem no wɔ hɔ dada. Na Asem no ne Onyankopɔn na ewɔ hɔ. Na Asem no ye Onyankopɔn.* Wokenkan kɔ anim a, ɔma yehunu se Asem no ye Yesu (Yohane 1:14). Eberɛ a ɔsomafoɔ Thomas hunuu Yesu wɔ ne wusɔreɛ no akyi no, ɔka kyere Yesu se, *Wo ne m'Awurade ne me Onyankopɔn!* (Yohane 20:28). Hebrifoɔ nwoma ti baako hɔ, yeckenanee se, *Na efa Ɔba no ho no, Onyankopɔn kaa se, "Aɔ, Onyankopɔn, w'ahennwa betena hɔ daa nyinaa"* (Hebrifoɔ 1:8).

Yesu sane ye onipa

Yesu sane ye onipa. Nsempa no mu, yehunu se wɔwoo Yesu te se onipa. Ewom se na ne nyinsɛn no ho asem ye nwanwa deɛ nanso awoɔ ho nsem a ebetoaa soɔ no nyinaa ne onipa biara deɛ ye pɛ. Ewom se nsemnsem bi sisii wɔ n'awoɔ ho wɔ Bethlehem deɛ, nanso na eye ekwan a onipa fa so wo no ara bi. Mateo ne Luka ka se na Yesu wɔ abusuafɔɔ.

N'awoɔ no akyi, ɔne n'abusuafɔɔ tenaa efie nyini nyaa nteteeɛ sɛdeɛ onipa biara deɛ siteɛ no. Onyiniie no, ɔsuua nsaanodwuma. Yesu brɛɛɛ na ɔkɔm ne sukɔm nso deɛ no. Na ɔda anigyee, awerehoɔ, eyea, ɔɔɔ, ahummɔborɔ ne abufuo tebea adi. Mpo ɔwuɔ te se onipa maa wɔsieɛ no adakamena mu. Yesu nipaye kɔ so da adi wɔ eberɛ a wɔsɔɔ no hwɛɛɛ wɔ bɔne ho no (Mateo 4:1-11). Hebrifoɔ 4:15 ka se, *Yenni sɔfopanin bi a ɔntumi nhwe yen mmereye ho nhunu yen mmɔbɔ. Yewɔ obi a wɔasɔ no ahwe akwan ahodoɔ nyinaa so se yen ara, nanso wanyɛ bɔne.*

Yesu teneneeye no firi ɔɔɔ ne ahummɔborɔ a ɔwuɔ ma yen no mu. Ɔde ne nkwa bɔɔ afɔdeɛ popaa yen bɔne.

Botaee a obonsam de sii n'ani so koso Yesu hwee wo esere so ne se anka Yesu befa asase yi so nkamfoe ne animuonyam na wakwati eboro, amanehunu ne owuo no. Nanso oye Onyankopon apede boo obra kronkron dawiee no, ode ne nkwa boo afodee maa yen a wanye bone da. Wantumi anye bone esiane odo a na owo ma yen a odaa no adi wo asennua no soo no. Yesu teneeeye no firi se na mfomsoo biara nni ne nkwa a ode boo afodee no ho. Onipa a bone nni ne ho nko ara na obetumi de bone akye. Paul ka wo 2 Korintofoo 5:21 se, *Na Kristo nni bone, nanso yen enti, Onyankopon maa ofaa yen bone sedee ebeye a, yenam ono Kristo so beye teneneefoo wo Onyankopon anim.*

Yesu nipaye ho hia yie efiri se eso na Onyankopon fa daa ne ho adi kyeree yen sedee ebeye a yebehunu sedeeositee yie. Esiane se na Yesu ye onipa na onyaa tebea biara mu suahunu te se yen nti no, obetumi ate yen asetena mu nsem ase na waboa yen wo yen ahiadee ne yen mmereye mu. Esiane se na Yesu ye onipa nti, na obetumi asi kwan a bone de ato nnipa ne Onyankopon ntam no.

Yesu Kristo baa asase so

Yesu ye Onyankopon sane ye onipa. Nokorem, Yesu ye Onyankopon kann enna osane ye onipa kann. Onye onipa fa na Onyankopon fa, oye Onyankopon mua enna oye onipa mua. Sedee woka se Onyankopon baa asase yi so beboo obra te se onipa no da adi wo dee anyamesemka nimdefoo fre no akosan no mu. Yohane 1:14 ka se, *Asem no beyee onipa ne yen betenae.*

Yesu faa onipa tenabea

Yesu din no ase kyere Agyenkwa enti Yesu baa ewiase begyee nnipa nkwa firii bone mu. Asomafoɔ 4:12 ka se, *Ono nko ara mu na nkwayee wɔ; efiri se, edin biara nni ewiase ha a nnipa nam so benya nkwayee.* Anka yeawu ama wɔayi yen afiri Onyankopɔn daa nkwa no mu. Se wotwe wo ho firi Onyankopɔn ho a, yei betumi ato wo. Nanso Yesu a na bone nni ne ho gyinaa yen ananmu se aforebodee, aboa a onni fo, wu maa yen wo asennua no so sedefee ebeye a yebanya ne nkwa no de atena mmere a enni awiee.

Ono nko ara na obetumi ama yen nkwa

Yohane 5:24-26 ka kyere yen se, one Onyankopɔn wo tumi korɔ se onya nkwa wo ne mu na oma afoforo nkwa. Yesu nyanee Lazarus firii owuo mu de kyeree ne tumi (Yohane 11:43-44), na dee eka ho koraa ne se, obenyane awufoɔ nyinaa ama wɔaba nkwa a enni awiee mu (Yohane 5:24-26). Osom ahodoɔ a ewo ewiase yi mu no mu nnipa biara nni ho a waka saa asem yi bi da.

Yesu nko ara ne ekwan no

Yesu nko ara ne ekwan a onipa betumi afa so ahunu Onyame nokwafoɔ no. Yesu ka kyeree Thomas se, *Mene ekwan no, ne nokore no, ne nkwa no; obi ntumi nko Agya no ho, gye se fa me so* (Yohane 14:6). *Ono nko ara mu na nkwayee wɔ; efiri se, edin biara nni ewiase ha a nnipa nam so benya nkwayee* (Asomafoɔ 4:12).

Dee asom ahodoɔ no ka fa Yesu ho

Islam

Wohunu Yesu se ɔye nkɔmhyefoɔ a wɔwɔ Islam mu no mu baako a wɔfre no Isa nanso wɔnnye no ntom se ɔka Baasafua no ho.

Buddhism

Wɔmfa enidie a efata mma Yesu wɔ Buddhasom a ewɔ Apuee no mu koraa. Eto bere bi a, Buddhafoɔ a wɔwɔ Atɔee no hunu no se ɔye ɔkyerɛkyerɛni nimdefoɔ.

Hinduism

Hindufoɔ gye di se Yesu ye nnipa a wɔdi akɔsan no mu baako enna ɔsane ye akwan a ekɔ Onyankopɔn ho no mu baako. Mmom, enye Yesu nko ara ne ekwan no.

Wobetumi aye Yesu akyidifoɔ

Yesu dɔ wo kyɛn sɛdee wosusu no. Owuu wɔ asennua no so hwiee ne mogya de hohoroɔ wo bɔne a atwam, seesei dee no ne wo daakye dee nyinaa. Ɔgyina w'akoma epono ano rebom a ɔpe se ɔne wo bɛto nsa didi. Se wotwe wo ho firi w'abrabɔ dada no ho na woka kyere no se ɔmfa ne wusɔree tumi no so nsesa wo a, wobeye onipa foforoɔ. *Se obi wɔ Kristo mu a, na ɔye abɔdee foforoɔ, na nneema dada nyinaa atwam ama nneema foforoɔ aba* (2 Korintofoɔ 5:17).

Yei nye da koro adwuma. Ɔse bra na beye n'akyidifoɔ ne ne suani.

Yesu akyidini ye obi a botaeɛ keseɛ baako pe na ɔhwɛhwɛ: Ene se ɔbeyɛ se Yesu. Yei kyere se, eɛ se se wofa Twere Kronkron mu nsem so hunu nneema a efa Yesu ho nyinaa. Kenkan Twere Kronkron no, sua emu

nsem no yie, we gu wo tirim, dwendwene ho eberε biara na di emu ahyedεε so.

Yei bema woabo obra a εde nsunsuanso papa beba w'asetena mu εfiri se nsakraεε beba wo mu. Yesu ka se, *Mene bobε no; na mone dua aban no. Obiara a εte me mu na mete ne mu no beso aba bebreε; se mokwati me a, morentumi nye hwee. Obiara a εntena me mu no te se dua aban a wεatwa ato atwene a εho nni mfaso; εwo a, wεboaboa ano de gu ogya mu hye. Se mote me mu na me nsem nso tena mo mu a, enneε biribiara a mope a mobevisa no, wεde bema mo. Wεn a wεye m'asuafoε nokore mu no so aba bebreε de hye m'Agya animuonyam* (Yohane 15:5-8).

Yei kyere se wobεda εdo a enni nnyinaso adi akyere nnipa foforo ne mpo ahεhoε ne w'atamfo.

Woyε Yesu akyidifoε a, εse se wotumi ma afoforo nso fa wo so bεdi n'akyi bi. Sedεε yεwo nkwadaa ba abusua mu no, εse se wotumi ma wεn a wεben wo no nso beyε Yesu akyidifoε na wotete wεn sedεε εbeyε a wεn nso betumi ama afoforo abeyε n'akyidifoε.

Se woreka Onyankopεn Ahennie ho nsem a, wobehyia akwansidεε. Otamfoε no mpe se yεbeyε nam wε Yesu mu nanso se yene no di asie a, εbedwane. Afei wobehunu se, *Honhom a εwε mo mu no wε tumi sene honhom a εwε ewiase yi mu* (1 Yohane 4:4).

Fa wo mpaεbo kε n'anim eberε biara na ma εnkasa nkyere wo. Afei nya anidasoε na boaboa wo ho twen ne mmaεε.

Kae se, *Honhom a εwε mo mu no wε tumi sene honhom a εwε ewiase yi mu* (1 Yohane 4:4).

ADESUA NE NNWENEHO NSEMMISA

- Edeɛn na woasua afa Yesu ho a na wonnim dada?
- Bobɔ nneɛma bi a Yesu kyereɛ yen edin.
- Edeɛn na Yesu nkyerɛkyere no kyere yen enne yi?
- Edeɛn na Yesu ka kyereɛ yen se yenye?
- Seesei, yerebɔ yen ho mmɔden wɔ saa nneɛma no yɔ ho anaa? Se dabi a, aden ntira?
- Aden enti na Yesu wuo ne ne wusɔreɛ no ho hia?
- Sen na nwoma ketewa a wokenkaneeɛ yi ama w'abrabɔ asesa?
- Woabeye Yesu akyidifoɔ?
- Woaka Yesu ho asem akyere obi pen? Wowɔ obi wɔ hɔ a wope se woka Yesu ho asem kyere no? Se wonnya nyee bi da a, enne ye eda papa a wobɛtu ahye aseɛ.